

# 4

## Ardchaighdeán Ollscolaíochta do Mhic Léinn

Creidtear in UCD gur chóir go mbeadh an ollscolaíocht ar an gcaigheán is fearr ar domhan ar fáil do gach mac léin agus go mbeadh a leithéid d'eispéaras ollscoile ann is a chuideodh leo barr a gcumais a bhaint amach.

Tá sé mar sprioc ag UCD bonneagar den chéad scoth a sholáthar - is é sin foirgnimh agus áiseanna nua-aimseartha le trealamh maith. Lena leithéid sin de thimpeallacht fhisiciúil, beidh ar chumas na mac léinn tabhairt faoina gcuid staidéar acadúil agus taitneamh a bhaint as an saol sóisialta, spóirt, agus cultúrtha chomh maith - is é sin gach gné de shaol an mhic léinn a shásamh.

Tá sé mar aidhm ag UCD a bheith ina institiúid chuimsitheach. Agus UCD i mbun mic léinn nua a mhealladh chun na hollscoile, is maith a thuigtear go bhfuil gá teacht ar mhic léinn a mbeadh cúnamh, treoir nó ullmhúchán ar leith de dhíth orthu chun áit a fháil ag an tríú leibhéal - daoine a d'fhéadfadh an-sochar a bhaint as an bpobal foghlama.

Tá seirbhísí tacaíochta sofaisticiúla i bhfeidhm san ollscoil chun a chinntiú go mbíonn seirbhísí comhairleacha ar fáil do mhic léinn i gcónaí nuair atá gá acu leo.

Tá UCD níos mó san iomaíocht ar bhonn domhanda ná mar a bhí riamh na mic léinn is cumasaí agus is fearr a mhealladh. Bíonn daltaí uaillmhianach anois ar fhágáil na scoile dóibh agus tá an iliomad roghanna ann dóibh ag an tríú agus ag an gceathrú leibhéal. Chun dul i ngleic leis an dúshlán seo, tá UCD de shíor ag feabhsú a raon seirbhísí atá ar fáil do mhic léinn ionas gur féidir leo an leas is fearr a bhaint as a gcumas agus barr feabhais a bhaint amach mar dhaoine agus sna gairmréimeanna a roghnaíonn siad.



Seirbhísí do Mhic Léinn

---

An Leabharlann

---

Seirbhísí Ríomhaireachta

---

Slite Beatha agus Fostaíocht

---

Leathnú ar an Rannpháirteachas

---

Cúnamh Airgid do Mhic Léinn

---

Tacaíocht do Mhic Léinn, Séiplínigh agus  
Comhairleoirí Mac Léinn

---

Saol an Mhic Léinn

---

Spórt

---

Ceol

---

Cumainn na Mac Léinn

---

## FORBAIRT ÁISEANNA: TIONSCADAIL CHAIPITIÚLA

Má táthar chun spriocanna uailmhianacha na hollscoile a bhaint amach ní mór bonneagar nua-aimseartha den chéad scoth a bheith ann. Tá gá le sár-áiseanna do dhíorma mac léinn in ollscoil diantaghde áit a bhfuil mac léinn ag foghlaim i dtimpeallacht na hardscoláireachta. An aidhm atá ag UCD ná an campas is fearr ó thaobh caighdeán agus toise de a sholáthar in Éirinn - campas a bheadh inchurtha leis na hollscoileanna is fearr ar fud an domhain.

Tá campas Belfield ar cheann de na hacmhainní is luachmhaire ag UCD. Chun a fhorbairt inbhuanaithe a chinntiú, d'ullmhaigh UCD Plean Forbartha Campais ina bhfuil cur síos ar na foirgnimh agus na conláistí don ollscoil don chéad deich mbliana eile. Leagtar amach sa phlean an fhorbairt a dhéanfar ar champas inbhuanaithe bhríomhar, agus áiseanna tráchtála, oideachais agus cultúrtha á soláthar i suímh a oirfidh don phobal i gcoitinne.

### AN PLEAN FORBARTHA CAMPAIS

Tá ceithre théama lánacha ann a thiomáineann an plan:

- Tionscadail Tógála Acadúla;
- Saol agus pobal na mac léinn;
- Eacnamaíocht an eolais agus páirc nuálaíochta;
- Caidreamh leis an bpobal i gcoitinne trí Thogra an Gheata.

Tá UCD ar a dhícheall campas a bheith ann atá caoithiúil do choisithe, áit ar féidir le mic léinn, leis an

bhfoireann, le comharsana, le cairde agus le cuairteoirí a bheith ar a suaimhneas agus iad ar an gcampas nua-aimseartha taitneamhach ardchaighdeán seo i gcathair agus i dtír atá faoi bhláth. Mar léiriú ar an díograis seo tá fíis ann ailtireacht a bheith ann ar an gcaighdeán is airde ar domhan agus an teorainn choillearnaí agus na raoin siúlóide do choisithe a mhéadú faoi deich.

Ní thagann fíis UCD salach ar a thiomantas don champas atá ann faoi láthair ná do chomharsana áitiúla UCD. Tuigeann UCD an tábhacht a bhaineann le roinnt de na foirgnimh atá cheana féin ar an gcampas, roinnt a bhuaigh duaiseanna don ailtireacht. Mar iarracht feabhas a chur ar na foirgnimh sin tá scéim athchóirithe idir lámha.

Cuirfear san áireamh i ngach forbairt nua an áit ina bhfuil úsáideoirí lonnaithe agus tabharfar faoin dearadh chun an éifeacht agus an inbhuaíneacht is fearr a bhaint amach. Tá an-chuid féidearthachtaí ann "campas glas" a chruthú. Tá sé ar cheann de chuspóirí an phlean seo cur leis an rochtain a bheidh ann ón N11 trí mheán an Gheata Campais nua atá beartaithe.



*Bróisiúr faoin bPlean Forbartha Campais*

Cuirfear cárchlóis ilstóir ar fáil in aice leis na bealaí isteach ar an gcampas, agus dá bhrí sin is do choisithe amháin a bheidh an spás i lár an champais. Tá plean bainistíochta á ullmhú ag UCD faoi láthair maidir le páirceáil ar an gcampas agus mar chuid den phlean sin tá sé beartaithe daoine a spreagadh níos mó úsáide a bhaint as córais iompair phoiblí.

Cuireadh dréacht-Phlean Forbartha Campais UCD 2005 - 2010 - 2015 faoi bhráid an phobail i mí an Mheithimh 2006 agus chuir áitritheoirí áitiúla, úinéirí gnó agus baill de phobal na hollscoile a ndearcadh in iúl i leith an phlean. Cuirfear na tuairimí seo san áireamh nuair atá an plean á chur i bhfeidhm.

Is féidir amharc ar chur i láthair closamhairc den phlean ag:  
[www.ucd.ie/news/jun06/062006\\_campus\\_dev.htm](http://www.ucd.ie/news/jun06/062006_campus_dev.htm)

## TIONSCADAIL ATÁ CURTHA I GCRÍCH AGUS TIONSCADAIL IDIR LÁMHA

### *An tIonad Eolaíocht Sláinte*

Tá Céim 2 den Ionad Eolaíocht Sláinte faoi lán seoil anois agus táthar ag súil go mbeifear socruithe isteach san ionad faoin Nollaig 2006. Beifear ansin in ann gníomhaíochtaí uile Scoil an Leighis agus Eolaíocht an Leighis a athlonnú ón áit ina bhfuil siad lonnaithe faoi láthair - Ardán Phort an Iarla - chuig campas Belfield. Tá buiséad €41m ann don chéim seo. Beidh Leabharlann na hEolaíochta Sláinte mar ionad lárnach do na mic léinn uile atá ag gabháil don Eolaíocht Sláinte.

Cheadaigh an Roinn Iompair maoiniú chun go dtógfaí áis 2200 m<sup>2</sup> don Lia-Bhiúró um Shábháilteacht ar Bhóithre, a bhogfar ón áit ina bhfuil sé anois ar Ardán Phort an Iarla chuig UCD go déanach in 2007. Beidh oifigí, saotharlanna diagnóiseacha agus taighde, seomraí seimineáir agus cóiríocht eile mar chuid den fhoirgneamh ceithre stór seo.

### *Taighde UCD*

Beidh an síneadh atá á chur le hÁras Uí Thiarnaigh i gcrích go déanach in 2006, rud a chuirfidh oifigí agus seomra cruinnithe ar fáil don riarachán a bhaineann le taighde. Beidh an foirgneamh seo mar bhaile d'ionad ardphróifíl de chuid na hollscoile a chuirfidh UCD chun tosaigh mar ollscoil ina mbaintear amach barr feabhais.

### *An Institiúid Éireannach Domhanda*

Cuireadh i gcrích an chéad chéim d'Institiúid Éireannach Domhanda UCD in 2006 mar ar athchóiríodh Ionad Tionscail na hOllscoile. San áis nua beidh Halla Éisteachta

William Jefferson do Staidéir Mheiriceánacha. Lonnófar an chuid eile d'áiseanna acadúla agus fáiltithe Ionad William Jefferson Clinton in Áras Belfield, agus tá athchóiriú á dhéanamh air sin faoi láthair. Tá an tógáil ag dul ar aghaidh mar a bhí beartaithe agus táthar ag súil é a bheith i gcrích go déanach in 2006.

### *Richview*

Tá obair thógála idir lámha faoi láthair chun áiseanna saotharlainne, oifige agus teagaisc a thógáil áit a lonnófar gníomhaíochtaí Innealtóireachta Sibhialta ó Ardán Phort an Iarla chuig campas Belfield agus cosnóidh sé seo €10m.

Ar na forbairtí eile ag an suíomh seo tá:

- Ailtireacht Tírdhreacha (á athlonnú ón Ionad Talmhaíochta agus Eolaíochta an Chothaithe);
- Institiúid d'Oifigí Spóirt;
- Aonaid Spóirt Ardfheidhmíochta;
- Stóras Leabharlainne.

### *Leabharlann na Carraige Duibhe*

Cuireadh deontas mór príobháideach ar fáil agus a bhúochas leis sin bhíothas ábalta athchóiriú a dhéanamh



ar fhoirgneamh a bhí ina shéipéal (séipéal Vichteoiriach) chun tuairim is 800m<sup>2</sup> de spás nua leabharlainne a chur ar fáil do Scoil Ghnó Smurfit UCD.

### *Céim 3 - Áitreabh Glenomena*

Cuireadh i gcrích Céim 3 den tógáil in Áitreabh Glenomena go déanach sa samhradh in 2006, a chosain €12.9m, rud a chuir cóiríocht ar fáil le haghaidh 168 mac léinn sa bhreis. Anois tá spás in Áitreabh Glenomena le haghaidh beagnach 760 mac léinn agus tá dhá árasán speisialta san áis sin le gnéithe speisialta rochtana.

### *Céim 1 - Áitreabh an Ruabhoic*

Mar thoradh ar an gcéad chéim den tógáil ar Áitreabh an Ruabhoic cuireadh 50 árasán nua ar fáil (300 spás

*An tIonad nua um Shintéis agus Bitheolaíocht Cheimiceach (CSCB) buailte leis an séipéal Vichteoiriach atá á athchóiriú go mbeadh sé ina leabharlann nua ag Scoil Ghnó Michael Smurfit UCD*





lóistín) i mí Mheán Fómhair 2006, rud a chosain €24.5m. Anois tá 2,800 spás lóistín do mhic léinn ag an ollscoil.

### **Bialann an Ionaí Eolaíochta UCD**

Cuireadh i gcrích an athfhorbairt ar Bhialann Ionad Eolaíochta UCD go déanach in 2006 ar bhuiséad €1.6m. Cuirtear bia ar fáil go déanach san oíche san áis seo. Is é Kylemore Foods Group atá i bhfeighil na háise seo, a bheidh mar chuid den ollphlean atá ann campas 24/7 a chruthú.

### **Bialann Belfield**

Cuireadh i gcrích athchóiriú ar phríomh-Bhialann UCD go déanach i samhradh 2006 ag costas iomlán €0.6m mar chuid den obair leanúnach uasghrádú a dhéanamh ar an bhfoirgneamh. Tá aonaid mhiondíola san ionad seo áit a bhfuil oifig an phoist, aonad d'oiriúntí ríomhaire agus d'athchúrsáil ríomhairí agus ionad taistil do mhic léinn.

### **Alonad Clár Ealaíon**

A bhuíochas leis an athchóiriú a rinneadh ar Áras Newman bhíothas ábalta Oifig Clár Ealaíon agus Eolaíocht Sláinte a chur ar bun.

### **Belfield Bowl**

Fuarthas cead pleanála le go ndéanfaí athfhorbairt ar Belfield Bowl. Ar na hoibreacha feabhsúcháin tá suíochánra sa bhreis, tuilsoilsiú agus áiseanna eile a bhfuil gá leo chun ceanglais ceadúnaithe agus sábháilteachta a chomhlíonadh. Ansin beifear in ann Sacar UCD a athlonnú go dtí an Belfield Bowl.

### **UCD Complex Adaptive Systems Laboratory (CASL)**

Tá an ollscoil tar éis cóiríocht oifige a chur ar fáil ag Páirc Oifigí Belfield chun áiseanna a chur ar fáil do thaighde a bhaineann le faisnéisíocht, matamaitic, innealtóireacht, córais bhitheolaíochta agus grúpaí taighde a chuirfear ar bun amach anseo. Ar na hoibreacha cumasúcháin tá naisc chumarsáide agus rochtain do choisithe chuig Campas Belfield agus tá athchóiriú a dhéanamh ar spás nua a bheidh i gcrích go déanach i mí Dheireadh Fómhair 2006.

## **TIONSCADAIL A BHFUIL DEARADH NÓ COINCHEAPADH Á DHÉANAMH ORTHU**

### **Togra an Gheata**

Féachtar le dhá aidhm bhunúsacha a thabhairt i gcrích le togra an Gheata UCD - bealach isteach suaitheantais ón N11 go dtí UCD a chur ar fáil agus bealach caidrimh nó teagmhála leis an bpobal máguaird agus lenár gcuid iarscoláirí a chruthú. Arna ghlacadh i gcomhthéacs an Phlean Forbartha Campais, tá de chuspóir leis an nGeata chomh maith cuidiú leis an gcampas 24/7 a thabhairt chun cinn. Beidh áiseanna an Gheata ar fáil do mhic léinn, do lucht foirne agus don phobal aron.

Tá ionad taispeántais, pictiúrlann ealaíne le háiseanna do Scoil na Scannánaíochta, bealach isteach a bheidh áisiúil do choisithe agus do chórais iompair phoiblí, ionaid mhiondíolacháin agus itheacháin, ionad leighis, óstán a bheidh ceangailte le Halla Uí Raghallaigh i dtaca le comhdhálacha UCD agus meala ag ceangal an bhealaigh isteach le príomhbhealach an champais ag Áras Newman á mbeartú leis na pleananna atá ann don Gheata faoi láthair. Beidh foirgnimh oifigí, dírithe ar thionscail a mbíonn tromghá le heolas iontu agus ar mhian leo caidreamh a bheith acu leis an ollscoil san áireamh chomh maith.

Cuireadh comórtas idirnáisiúnta ailtireachta ar siúl ag deireadh mhí Deireadh Fómhair 2006 maidir le dearadh foriomlán ar an nGeata a thabhairt chun cinn agus tá súil an buaiteoir a fhógairt i mí Aibreán 2007.

### **Ceantar na hEolaíochta**

Fágfaidh Ceantar na hEolaíochta a thabhairt chun cinn acmhainn bhreisitheach ag an eolaíocht in Éirinn. Beidh sé ina lóchrann feiceálach, ina eiseamláir ardchaighdeán agus ina acmhainn spreagtha san ollscoil, ar fud na tíre agus thar lear. Beidh áiseanna ar fáil san ionad a



*Cóiríocht nua do Mhic Léinn ar an gcampas*

*Cóiríocht den scoth do Mhic Léinn*

*Íomhá ríomhghinte den ionad taighde nua in UCD*



mheallfaidh na mic léinn, na hiarchéimithe agus an fhoireann is airde cumas i réimsí na heolaíochta agus na hinnealtóireachta.

Feictear sa Straitéis Náisiúnta Eolaíochta, Teicneolaíochta agus Nuálaíochta go ndéanfar infheistíocht mhór san infrastruchtúr agus sna hacmhainní daonna maidir leis an eolaíocht d'fhonn cinntiú go leanann an borradh eacnamaíochta in Éirinn. Beidh rannpháirteachas níos mó sna heolaíochtaí, ardú ar líon na ndaoine a ghnóthaíonn ardcháilíochtaí, páirt níos mó ag an taighde san fhorbairt eacnamaíochta agus shóisialta, athrú ó bhonn ó thaobh cáilíochta agus cainníochta ar chúrsaí taighde agus breis obair thaighde trasna teorainneacha mar chomharthaí ar an dea-thoradh ar an straitéis sin. Tarraingeoidh sé clú ar Éirinn ar fud an domhain agus tiocfaidh breis dlúis dá bharr chomh maith le buntáiste níos fearr as sineirgíochtaí in Éirinn agus go hidirnáisiúnta. Ligfidh an fhorbairt ar Cheantar Eolaíochta UCD don mheitheal eolaíochta is fairsinge agus is ilghnéithí in Éirinn cur go mór leis an straitéis sin.

Tá treoir á hullmhú maidir leis an bhfoirgneamh faoi láthair i gcomhairle leo siúd uilig a bhfuil geall acu san obair. Is é an tOllamh Michael Monaghan Stiúrthóir an Togra agus tá foireann tionscadail agus coiste stiúrtha acadúil mar chúnamh. Meastar go mbeidh fairsingiú mór agus athchóiriú forleathan ar an 32,000 m<sup>2</sup> atá san ionad eolaíochta faoi láthair i gceist leis an bhforbairt.

### **Lárionad na Mac Léinn 2 agus Linn Snámha**

Tar éis reifrinn i measc na mac léinn agus aontú le táille a ghearradh chun ciste a chur ar fáil le síneadh a chur le Lárionad na Mac Léinn, táthar ag ullmhú teorach maidir leis an bhfoirgneamh. Cuirfear áiseanna breise fóillíochta, caitheamh aimsire agus tacaíochta ar fáil san ionad, seomra díospóireachta, amharclann, ionad meánchumarsáide, linn snámha agus ionad aclaíochta san áireamh.

### **Ionad na gCéimithe**

Tá tús curtha le treoir foirgníochta a thabhairt chun cinn maidir le hionad nua do chéimithe. Cuirfear áiseanna ar fáil san fhoirgneamh seo d'fhórscoth na linne d'fhonn freastal ar riachtanais ar leith phobal na gcéimithe agus ar an meitheal iardhochtúireachta i UCD.

### **Páirc Nuálaíochta Belfield**

Leagtar amach i bPlean Forbartha an Champais an fhorbairt atá beartaithe ar limistéar Pháirc Nuálaíochta Belfield. Bainfear tairbhe breise as an ionad nuálaíochta nuabhunaithe NovaUCD de bharr an limistéir seo ag Áras Merville agus beidh sé ina spreagadh maidir le forbairt san am atá ag teacht ar an gceangal idir lucht tionscail agus an ollscoil.

Beidh an Institiúid Náisiúnta um Thaighde agus Thraenáil sa Bhithphróiseáil ar an gcéad chéim eile den fhorbairt sa réimse seo. Is í an phríomhaidhm atá leis an



NIBRT, arna chur ar bun trí chuibhreannas idir forais ardoideachais ar a n-áirítear UCD, buntáiste iomaíochais a thabhairt d'Éirinn in earnáil na bithchógaisíochta agus fónamh chun breis infheistíochta sa tír a mhealladh. Lonnófar NIBRT i bPáirc Nuálaíochta Belfield agus beidh cláir oiliúna agus cláir thaighde de scoth an domhain ar fáil ann i bhfoirgneamh a thógfar chun na sainchríche sin. Tá beartaithe an foirgneamh a bheith in úsáid faoin mbliain 2008.

### **Naíolann & Cóiríocht don Fhoireann**

Tá cead pleanála iarrtha do shaoráidí breise naíolainne a bhfuil géarghá leo agus do chóiríocht don fhoireann a bheadh suite in aice le University Lodge.

## LEABHARLANN UCD

## Seirbhísí do Mhic Léinn

Tá de straitéis ag Leabharlann UCD feidhmiú chun stádas UCD mar ollscoil diantaghde den scoth a chur chun cinn trí sheirbhísí agus áiseanana a chur ar fáil trína dtugtar i gcrích tréimhse ollscolaíochta ardchaighdeán don mhac léinn. Chuige sin, cuirfidh an Leabharlann go mór leis na bailiúcháin chlóite agus ar líne, cuirfear feabhas ar an timpeallacht foghlama féin, cuirfear réimse leathnaithe de scáilseirbhísí leabharlainne ar fáil ar bhonn 24/7 agus déanfar slánchóirí ar sheirbhísí na leabharlainne agus ar bhearta ríomhfhoghlama san ollscoil.

## DUL CHUN CINN GO DTÍ SEO

D'fhág an córas deise uathobreach go rabhthas ábalta síneadh a chur leis na huairéanta oscailte i rith am téarma go dtí 96.5 uair a chloig in aghaidh na seachtaine, an tráth oscailte is faide ag aon leabharlann ollscoile in Éirinn.

Cuireadh 2,000 iris léinn agus bunachar sonraí ar líne breise le bailiúchán na Leabharlainne trí thionscnamh Irel chun treisiú leis an taighde san eolaíocht. Cuireadh tús leis an dara céim den tionscnamh sin chun feabhas a chur ar acmhainní leabharlainne ar líne i réimsí na ndaonnachtaí agus na n-eolaíochtaí sóisialta.

Cuireadh feabhas ar an timpeallacht staidéir agus foghlama i Leabharlann James Joyce le hathchóirí ar an ionad fáilte, bord tagartha nua agus roinnt seomraí do staidéar grúpa ar leibhéal 2, cruth nua ar an ionad tagartha ginearálta, agus ceangal gan sreang a chur ag obair do lucht úsáide ríomhairí glúine. Mar gheall ar a oiread agus a úsáidtear ríomhairí glúine agus deiseanna leictreonacha eile, sonraíodh roinnt limistéir chiúnais dóibh siúd ar mian leo staidéar a dhéanamh saor ó chur isteach ríomhairí glúine agus dheiseanna leictreonacha eile.

Tá dul chun cinn á dhéanamh chomh maith maidir le feabhas ar an gcóiríocht fhisiciúil. Táthar ag teannadh le deireadh na hoiubre ar an leabharlann nua in Ionad na nEolaíochtaí Sláinte agus tá tús curtha chomh maith leis an gcóirí ar sheanséipéal mar leabharlann nua ar champas na Carraige Duibhe. Tá súil go n-osclofar an dá leabharlann i rith na bliana 2007.

Rinneadh feabhsúchán nuálach ar an tseirbhís leabharlannaíochta ar líne chomh maith leis an bhfeabhsúchán fhisiciúil ar an leabharlann féin. Ina measc sin, tugadh isteach seirbhís tagartha agus fiosrúcháin phíolótach ar líne bunaithe ar áiseanna comhrá Windows/MSN; cuireadh fotha RSS ar fáil a ligeann don lucht úsáide fanacht bord ar bhord lena dtarlaíonn ar shuíomhanna gréasáin tobathraitheacha; agus socraíodh seirbhís seachadta cáipéise díreach ar bhonn píolótach trína seoltar ábhar a iarrtar ar íasacht idirleabharlainne go díreach chuig deasc an iarrthóra in ionad gá a bheith lena mbailiú i bhfoirm chlóite ón leabharlann.

Ligeann slánchóiríú leanúnach sheirbhísí na leabharlainne le tairseach an champais, UCD Connect, do na mic léinn teacht ar a gcuid cuntas leabharlainne chomh maith le ríomhphost agus eolas faoi chúrsaí.

Tugadh faoi thionscnamh nua chun seirbhísí ar líne na leabharlainne a chur chun cinn trí "chuaire" na leabharlainne i láthair go dtí Lárionad na Mac Léinn a eagrú i mí Márta agus foireann na leabharlainne ag taispeáint na seirbhísí agus na háiseanna ar líne agus ag freagairt ceisteanna.

Cuireadh deis nua liosta léitheoireachta ar líne ar fáil; cruthaíonn seo, arna reáchtáil i gcomhar leis an bhfoireann acadúil, ceangal díreach idir an liosta léitheoireachta ar líne agus réimse acmhainní foghlama éagsúla.

D'fhág cóiríú na gclár acadúil ina modúil ar chumas na leabharlainne páirt níos dlúithe a chothú i bpróiseas na foghlama trí roinnt modúl maidir le scileanna faisnéise a chur ar fáil thar ceann na Scoileanna.

## CUSPÓIRÍ AMACH ANSEO

Cuirfear arís leis na hacmhainní taighde trí chur go mór le líon na n-irisí ar líne i réimsí na ndaonnachtaí agus na n-eolaíochtaí sóisialta.

Tá córas nua comharthaí beartaithe ionas gur furasta úsáid a bhaint as an leabharlann.

Leanfar den bheartaíocht maidir leis an leabharlann ar líne. Tá treoir nua podchraolta maidir leis an leabharlann á bheartú; cuirfear réimse cainéal maidir le hábhair ar leith ar fáil in UCD Connect lena dtabharfar eolas agus naisc le hacmhainní ar líne; agus bunófar stór ar líne do thorthaí taighde na hollscoile.

I measc na dtionscnamh nua maidir le hoiliúint i scileanna na faisnéise, beidh leathanaigh nua ar an ngréasán, ceacht teagasc ar líne, ullmhúchán agus tabhairt mhodúil chuimsithigh maidir le scileanna faisnéise mar chuid de chlár an PhD struchtúrtha.

## SEIRBHÍSÍ TF

Seirbhísí do Mhic Léinn

Tá de phríomhaidhm ag Seirbhísí TF UCD campas digiteach a chruthú a mbeidh teacht 24/7 ag an bhfoireann agus ag na mic léinn air. Cuireadh Seirbhís TF lárnach le chéile i mí Lúnasa 2006 a chuirfidh Córais Acadúla & Riaracháin, TF don Taighde, Teicneolaíochtaí Teagaisc & Foghlama agus seirbhísí gréasáin UCD ar fáil. Tá an bhéim ag athrú agus úsáid ríomhairí glúine ag teacht chun cinn rud a fhágann TF ina chuid lárnach den fhoghlaím ag an mac léinn. Cuirtear áiseanna ceangail gan sreang agus deiseanna ceangail solúbtha eile ar fáil ar fud an champais d'fhonn TF a bheith éasca a úsáid. Tugtar deis ar sheirbhísí TF agus ar ábhar acadúil as áit ar bith ar domhan leis an Tairseach UCD Connect agus leis an timpeallacht ríomhfhoghlama Blackboard.



## DUL CHUN CINN GO DTÍ SEO

Tugtar diosca fháinne eochrach 256 MB agus treoir mionsonraithe maidir leis na seirbhísí TF a úsáid do gach fochéimí nua ar theacht isteach go UCD dóibh chomh maith le bunchúrsa tosaigh sa TF a chur ar fáil in aisce dóibh. Is é Áras Daedalus an lárionad tacaíochta ag mic léinn agus ag an bhfoireann araon. Seo a leanas an gnáthleibhéal úsáide ag tús téarma:

- 3,000 ríomhaire glúine á n-úsáid gan sreang ar an gcampas gach lá
- 3,700 mac léinn nua ag freastal ar chúrsaí tosaigh TF
- 6,000 duine ag baint úsáide as seirbhísí ríomhfhoghlama gach lá
- 100,000+ teachtaireacht ríomhphoist á seachadadh in aghaidh an lae
- 20,000 duine ag úsáid seirbhís thairseach UCD Connect.

Cuirtear áiseanna sainiúla ceangail le haghaidh seirbhís tapa Idirlín agus ríomhphoist ar fáil in ionaid shóisialta ionas gur féidir le mic léinn TE a úsáid gan stró le linn an chúrsa.

*Ionad Sonraí TF don Taighde*

Chun treisiú leis an misean taighde ag an Ollscoil, rinneadh forbairt ar Ionad Sonraí Taighde sa bhliain 2006 lenar féidir soláthar don trealamh ríomhaireachta ardfheidhme a mbíonn gá ag na grúpaí móra taighde leis. Is de thoradh na dúthrachta ag an bhfoireann Acadúil agus ag foireann Sheirbhísí TF an fhorbairt ar an tSeirbhís TF don Taighde agus tháinig ciste suntasach lena aghaidh ó UCD, an HES agus SFI. Ligeann an t-ionad suntasach sonraí seo dúinn seirbhísí sainiúla a chur ar fáil do lucht na taighde agus an timpeallacht teicneolaíochta a chruthú a threiseoidh le tograí atá trom ar acmhainn ríomhaireachta ar fud na réimsí léinn ar fad.

*Ceangal gan Sreang*

Tá 400 pointe ar Champas Belfield anois don cheangal gan sreang ionas gur féidir ceangal gan siúnta a dhéanamh leis an Idirlín sna príomhlímistéir shóisialta ar fad - caiféanna an champais, Lárionad na Mac Léinn, Ionad na nDán agus na hEolaíochta. Is féidir leis an bhfoireann agus leis na mic léinn oibriú mar is mian leo i bhfoirgnimh inar féidir ceangal gan sríán a dhéanamh ar a bhfud, Scoil Ghnó Uí Chuinn, An tIonad Eolaíocht Sláinte agus Institiúid Mhic Chon Mí. Tá feistiú déanta ar na háráis chónaithe nua ar fad ionas gur féidir ceangal gan sreang a dhéanamh agus tá athfheistiú á dhéanamh ar na háráis is sine ná sin ionas go mbeidh an deis chéanna iontu.

*TF don Teagasc agus don Foghlaim*

Chun úsáid ríomhairí glúine sa teagasc a chur chun cinn, tugadh isteach córas chairríní ríomhairí glúine i mí Meán Fómhair 2005 agus bhí an-ghlaoch ag lucht foirne agus ag mic léinn orthu. Osclaíodh Ionaid TF nua in Áras Newman agus san Ionad Eolaíocht Sláinte atá áisiúil chun bualadh isteach iontu agus "cúnamh agus comhairle" a fháil. Is féidir ríomhairí glúine a cheangal sna hionaid agus tá foireann iontu d'fhonn cúnamh a thabhairt le cúrsaí TF amháin. Leanadh den tionscnamh sin trí scéim ríomhaire glúine ar iasacht a thabhairt isteach do na mic léinn. Is as na hIonaid TF a oibrítear an scéim.

Is trí dheiseanna ceangail áisiúla a thabhairt chun cinn a dhéantar cuid shlán de shaol an champais de Theicneolaíocht an Eolais. Nuair a cuireadh 40 pointe ceangail ar fáil sa spás oscailte in Áras Newman, baineadh go leor úsáide astu agus tarraingíodh breis airde ar Sheirbhísí TF.

## CUSPÓIRÍ AMACH ANSEO

Tá Seirbhísí TF UCD dúthrachtach maidir le TF a fhorbairt mar chuid slánchóirithe den timpeallacht oideachais ag an bhfoireann agus ag na mic léinn. Leagfar an bhéim ar na bearta seo a leanas i rith na bliana 2007:

- Áiseanna ceangail so-úsáidte agus so-lúbtha a thabhairt chun cinn maidir le ceangal gan sreang agus láithreacha sóisialta go háirithe
- Teicneolaíocht teagaisc agus foghlama a thabhairt chun cinn ag cur leis an acmhainn ríomhfhoghlama atá ann cheana féin
- Cur leis na seirbhísí TF don taighde d'fhonn freastal ar an méadú san éileamh orthu ó chustaiméirí
- Feabhas a chur ar an teacht atá ar eolas agus ar sheirbhísí trí fheidhmchláir bunaithe ar ghréasáin.



## SLITE BEATHA AGUS FOSTAÍOCHT


Seirbhísí do Mhic Léinn

In UCD, cuirtear oideachas ar na mic léinn, spreagtar iad agus tugtar cúnamh dóibh bealach a aimsiú sa saol atá rompu chun cur chomh héifeachtach agus is féidir leis an saol sóisialta, cultúir agus eacnamaíochta in Éirinn agus ar fud an domhain.

## DUL CHUN CINN GO DTÍ SEO

D'éirigh go maith le céimithe UCD arís sa bhliain 2005 mar is léir ón tábla thíos.

## Gach disciplín (Bunchéimeanna)



## An chéad chéim eile ag céimithe 2005

|                                                          | % Bunchéim | % Ardchéim | % Dioplóma iarchéime |
|----------------------------------------------------------|------------|------------|----------------------|
| Fostaithe in Éirinn                                      | 44.5       | 70.3       | 66.2                 |
| Fostaithe thar lear                                      | 4.3        | 12.2       | 5.6                  |
| Staidéar nó oiliúint sa bhreis - Éire                    | 41.0       | 7.9        | 23.7                 |
| Staidéar nó oiliúint sa bhreis - Thar Lear               | 3.5        | 1.3        | 0.8                  |
| Ag lorg fostaíochta                                      | 1.7        | 3.8        | 2.5                  |
| Gan a bheith ar fáil le haghaidh fostaíochta nó staidéar | 5.1        | 4.5        | 1.3                  |

Bhain ráta íseal 1.7% arís leis an sciar de na céimithe bunchéime a bhí 'ag lorg fostaíochta' (2.7% in 2004) agus líon suntasach fostaithe nó ag tabhairt faoi oideachas nó faoi oiliúint iarchéime. De réir mar atá athrú ag teacht ar an margadh fostaíochta, táthar ag moladh do na mic léinn cumarsáid ullmhaithe, saindirithe a dhéanamh tráth is luaithe sa bhliain acadúil nuair a bhíonn earcaíocht ar bun. Tá iomaíocht ghéar ag baint leis na poist is fearr do chéimithe in Éirinn agus thar lear.

Le blianta anuas, tá ardú tagtha ar líon na gcéimithe bunchéime a thugann faoin léann nó faoin oiliúint iarchéime. D'ardaigh an figiúr sin go dtí 44.5% sa bhliain

2005, beagnach chomh hard anois leis an bhfigiúr 48.8% dóibh siúd a thosaíonn ar fhostaíocht.

Spreagadh an t-ardú sin de bharr an réimse leathan cúrsaí iarchéime atá ar fáil san ollscoil, go náisiúnta agus go hidimáisiúnta. Ba soiléir go raibh jabanna ar chaighdeán níos airde á bhfáil ag céimithe ardchéime i gcomparáid le céimithe bunchéime. Tá cruthaithe go maith acu siúd a thugann faoi chúrsaí dioplóma iarchéime sa mhargadh fostaíochta chomh maith. Bíonn rogha dáiríre le déanamh ag an mac léinn anois ar chéim a bhaint amach idir glacadh le fostaíocht nó leanacht den léann.



Aonach Slite Beatha  
UCD



D'fhonn cuidiú le mic léinn bearta cumarsáide a dhéanamh níos luaithe sa bhliain, d'eagraigh Gairmthreoir agus Ceapacháin UCD Aonach Slite Beatha in Belfield dírithe ar fhostóirí Éireannacha. Thug eagraíochtaí móra idirnáisiúnta cuairt ar an ollscoil chun críche earcaíochta.

Oibríonn Gairmthreoir agus Ceapacháin UCD leis na mic léinn trí chomhairleoireacht phearsanta agus trí 'chóras dualgais' trínar féidir freastal ar mhic léinn gan choinne. Bíonn freastal maith freisin ar chruinnithe comhairle, ar obair ghrúpa, ar chlár oideachais, ar chainteanna agus ar sheimineáir maidir le slite beatha. Tá an tSeirbhís Gairmthreorach lonnaithe in oifigí agus leabharlanna a tógadh go speisialta do chúrsaí gairmthreorach in Áras na Leabharlainne in Belfield agus ag Scoil Smurfit UCD ar champas na Carraige Duibhe.

#### CUSPÓIRÍ AMACH ANSEO

Beidh páirt i gcónaí ag foireann Ghairmthreoir agus Cheapacháin UCD san ullmhúchán ar cháipéisí faoi shlíthe beatha do chéimithe agus i mbeartaíocht eile i gcomhar ag an gCumann Seirbhísí Gairmthreorach do Chéimithe in Éirinn (AGCSI) agus ag an Association of Graduate Careers Advisory Services (AGCAS) sa Bhreatain agus in Éirinn. Rinneadh suíomh gréasáin, gradireland ([www.gradireland.com](http://www.gradireland.com)), a nuashonraítear gach lá agus ar a luaitear na folúntais do chéimithe a cuirtear le chéile do na Seirbhísí Gairmthreorach in Éirinn, agus eolaire slíthe beatha - Gradireland - le hobair i gcomhar tríd an AGCSI agus GTI, na foilsitheoirí maidir le cúrsaí slíthe beatha. Tá siad ar fáil ag mic léinn agus ag céimithe.

## LEATHNÚ AR AN RANPHÁIRTEACHAS

Seirbhísí do Mhic Léinn

Féachann UCD le bheith ina ollscoil ilchuimsitheach ón taobh sóisialta de ina mbíonn ar chumas mic léinn nach ionann taithí saoil dóibh páirt iomlán a ghlacadh i ngach gné de shaol na hollscoile ar bhealach cothrom. Díríonn an ollscoil go háirithe ar ghrúpaí nach bhfuil páirt chomh mór san ardoideachas acu agus atá ag grúpaí eile. Áirítear mic léinn faoi mhíchumas, mic léinn lámfhásta agus mic léinn ó na grúpaí ísle socheacnamaíochta ar na grúpaí sin.

Bíonn meithil shainiúla taobh istigh d'Oifig Stiúrthóir na Rochtana agus d'Ionad Aosoideachais UCD ag obair chun an cuspóir sin a thabhairt i gcrích i gcomhar lena gcuid comhghleacaithe i réimsí acadúla agus riaracháin ar fud na hollscoile. Chomh maith leis an ról ag leathnú an rannpháirteachais, soirbhíonn an tIonad Aosoideachais don fhoghlaím feadh saoil tríd an iliomad deiseanna foghlama acadúla a chur ar fáil do gach duine fásta. Tá os cionn 1,000 mac léinn a lean cúrsaí le hIonad Aosoideachais UCD le pointí creidmheasa a ghnóthú agus 3,000 mac léinn sa bhreis a lean cúrsaí mar gheall ar a gcuid suime san ábhar. Is iomaí mac léinn orthu sin arbh é sin an chéad uair acu an t-ardoideachas a thaithú


## DUL CHUN CINN GO DTÍ SEO

Treisiúitear le clár oibre UCD maidir le leathnú an rannpháirteachais trí thionscnaimh mar seo a leanas:

- ceangal le scoileanna, grúpaí pobail agus eagraíochtaí deonacha trína gcuirtear eolas agus comhairle ar fáil maidir le roghanna san ardoideachas, chomh maith le bearta chun blas an ardoideachais a thabhairt do dhaoine, scoileanna samhraidh, agus deiseanna oideachais in ionaid imeallacha.
- cúrsaí Rochtana (dá ngairtí Filleadh ar an bhFoghlaím) sna Dána agus in Eolaíocht an Duine, san Eolaíocht agus san Innealtóireacht agus sa Tráchtáil a chur ar fáil do dhaoine fásta ar mian leo teacht ar ardoideachas
- modhanna solúbtha chun teacht ag staidéar in UCD, bealaí speisialta isteach mar gheall ar aois lámfhásta, míchumas, grúpáil shocheacnamaíochta agus cáilíocht de chuid Chomhairle na nDámhachtainí Breisoideachais agus Oiliúna san áireamh
- an cúnamh cuí a chur ar fáil ionas go bhféadann gach mac léinn páirt iomlán a ghlacadh i saol na hollscoile. Tá cláir treorach, ceardlanna maidir le scoileanna acadúla, acadamh maidir le scríbhneoireacht acadúil, cóiríocht bunaithe ar na riachtanais do mhic léinn faoi mhíchumas, áisiúlacht i gcás ábhair agus teicneolaíochta, meantóireacht, comhairle, treoir agus sparántachtaí airgid san áireamh ansin.

## BEARTA SUNTASACHA A CUIREADH I GCRÍCH:

- tá athrú tagtha ar an tSeirbhís Tacaíochta do Lucht Míchumais (STLM) le roinnt blianta anuas faoi anáil an éilimh níos mó ag daoine faoi mhíchumas ar an deis chothrom maidir le páirt san ardoideachas. Tacaíonn UCD, de réir shamhail ilchuimsitheach shóisialta den



mhíchumas, le mic léinn faoi mhíchumas amhairc, éisteachta, fisiciúil nó gluaisteachta; Saindeachracht Foghlama (SLD); deacrachtaí meabhairshláinte; Siondróim Asperger; tinneas ainsealach agus riocht míshláinte fadtéarmach. Cóirítear an clár do gach mac léinn faoi leith arna mbunú ar phróiseas mionmheasúnaithe riachtanas. Bronnadh céimeanna ar 86 mac léinn a bhí cláraithe leis an STLM in UCD i rith samhradh na bliana 2006

- bhain an Clár ERA Nua maidir le scoileanna agus pobail faoi mhíbhuntáiste san áit nár fhulaing faobhar cheana i rith na bliana 2005/06 nuair a bunaíodh an 'Togra Céim i ndiaidh Céime' trína dtugtar a gcéad chleachadh ar an ollscoil do dhaltaí Ranganna a Ceathair agus a Cúig sa bhunscoil trí cheardlanna nuálaíochta agus gníomhartha spraoi a eagrú ar an gcampas. D'oibrigh ERA Nua i gcomhar le Scoil Eolaíochtaí Matamaitice UCD chomh maith ar an togra 'Léiriú na Matamaitice'. Rinne daltaí na Bliana Eadramhaí i scoileanna ceangail fiosrúchán maidir le roinnt de na fadhbanna matamaitice atá gan scaoileadh agus rinne siad cur i láthair mar gheall orthu in UCD. Ghlac suas le 3,000 dalta i mbunscoileanna agus i scoileanna dara leibhéal páirt i mbearta For-rochtana ERA Nua
- ba chúis áthais do ERA Nua UCD ciste scoláireachtaí do mhic léinn a fháil sa bhliain 2005/06 ó dheontóirí nua, eadhon, Boylan Brothers Ltd agus Phyllis Purcell (arna bhronnadh i ndilchuimhne a tuismitheoirí James agus Maria Purcell). Murach cúnamh fial na ndéontóirí

St. Johns, Baile Formaid agus Caritas, Baile Formaid, a cónascadh le déanaí, ag freastal ar thionscadal eolaíochta de chuid CSCB



ar fad (ón earnáil phríobháideach agus phoiblí), ní bheadh ar chumas ERA Nua beart a dhéanamh de réir aidhm na deise comhionann is briathar dó.

Ghnóthaigh 82 céimí de chuid ERA Nua céim i samhradh na bliana 2006

- bhí dhá thrian díobh siúd a lean na Cúrsaí Rochtana (d'fhoghlaimoirí fásta) go ceann cúrsa ar tairgíodh áit i bhforais ardoideachais ina dhiaidh sin díobh, tréith a fhágann gur clár deise ollscoile é a bhfuil an-rath air
- tá ardú seasta in aghaidh na bliana ag teacht ar líon na mac léinn lánfhásta atá ag teacht isteach go UCD. Ba mhór i gceist an cúnamh a thugann Seirbhís Tacaíochta na Mac Léinn Lánfhásta agus an tIonad Aoisoidheachais maidir le (i) ábhar foghlaimoirí a mhealladh agus eolas a thabhairt dóibh faoi na roghanna éagsúla san ardoideachas (ii) cuidiú le mic léinn iarratas a chur isteach chuig an ollscoil (iii) ullmhú agus feabhsú scileanna a dhéanamh maidir le foghlaimoirí nach raibh páirteach sa chóras oideachais foirmeálta le tréimhse maith ionas go mbíonn siad in ann don éileamh a chuireann staidéar ag an tríú leibhéal ar a gcumas acadúil
- tháinig os cionn 150 mac léinn ar chlár Treorach na Mac Léinn Lánfhásta i dtús mí Mheán Fómhair. Tá a dhá oiread éilimh ag mic léinn lánfhásta ar cheardlanna sna scileanna acadúlachta, chomh maith le comhairle aonair, agus a bhí bliain ó shin.

#### CUSPÓIRÍ AMACH ANSEO

- Tá ar cheann de na haidhmeanna lárnacha leis an tionscnamh UCD Horizons leas a bhaint as an tsolúbthacht a bhaineann le curaclam modúlach d'fhonn príomhchláir oideachais na hollscoile a bheith ar fáil do ghrúpa foghlaimoirí níos ilghnéithí. Tá de sprioc ag UCD sa bhliain atá ag teacht na bealaí ar aghaidh ó mhodhanna foghlama creidiúnaithe sa bhreisoidheachas agus san ardoideachas a fhorbairt

d'fhonn an bealach a réiteach ionas go mbíonn deis ag mic léinn pháirtaimseartha agus ag mic léinn eile nach den ghnáthnós iad ar UCD Horizons

- Measúnacht dhian a dhéanamh trí thogra taighde i gcomhar le hInstitiúid Uí Ghadhra UCD ar an tionchar atá ag na tionscnaimh rannpháirteachais reatha agus ag tionscnaimh nua d'fhonn leathnú a dhéanamh ar an rannpháirteachas
- Cur leis an acmhainn taighde sa réimse seo a bhfuil an-ghanntanas taighde air in Éirinn
- Tosú ag dul i ngleic le riachtanais na bpobal nua in Éirinn chomh maith le riachtanais na ngrúpaí eitneacha dúchais ar nós dhaoine den lucht siúil maidir le deis ar ardoideachas, cothromas agus tacaíocht.

#### Léargas ó Staitisticí 2005/06

|                                 | Mic léinn nua | lomlán |
|---------------------------------|---------------|--------|
| Mic Léinn faoi Mhíchumas        | 111           | 376    |
| Mic Léinn ERA Nua               | 111           | 375    |
| Mic Léinn Lánfhásta             | 329           |        |
| Rannpháirtithe ar Chúrsaí Deise | 130           | 130    |

Sa bhliain 2005/06, b'ionann líon na mac léinn ó ghrúpaí faoi ghannionadaíocht agus 14% de na mic léinn nua a tháinig isteach ar chúrsaí fochéime

#### CLÁR SCOLÁIREACHTA UCD 150

*D'fhonn comóradh a dhéanamh ar 150 bliain na hollscoile, bunaíodh Clár Scoláireachtaí 150 UCD do mhic léinn chumasacha ardaidhmeacha a bhféadfadh sé go séanfaí a gcúrsa staidéir in UCD orthu de bharr chúiseanna eacnamaíochta dá n-uireasa. Tar éis feachtas fógraíochta agus faisnéise forleathan dírithe ar ábhar mac léinn in UCD, roghnaíodh seacht nduine dhéag ó réimsí éagsúla nach ionann taithí saoil dóibh agus ar den scoth iad. Bhí an díocas ag baint leo uilig agus rún daingean acu constaicí suntasacha a bhí rompu a shárú d'fhonn tabhairt faoin oideachas tríú leibhéal ba mhian leo. Ghlac na scoláirí le háiteanna ar réimse leathan cláir fochéime i mí Mheán Fómhair 2006. Luach €9,000, arna íoc i rith tréimhse trí bliana atá le Scoláireacht 150 UCD. Is comhartha eile an scoláireacht ar dhúthracht na hollscoile maidir le leathnú a dhéanamh ar rannpháirteachas na ngrúpaí faoi ghannionadaíocht san ardoideachas.*



## CÚNAMH AIRGID DO MHC LÉINN

Seirbhísí do Mhic Léinn

Tá trí scéim ag UCD chun cuidiú le mic léinn a bhíonn i gcruchas airgid: an Ciste um Leas Mac Léinn trína dtugtar cúnamh airgid do mhic léinn a tharlaíonn i gcruchas airgid gan choinne le linn a dtréimhse staidéir in UCD, Scéim Cúnamh Mac Léinn a leagadh amach chun cuidiú leis na mic léinn faoi mhíbhuntáiste is mó a bheadh ina ghá, agus Scéim Fóirdheontais um Chúram Linbh chun cuidiú leis na mic léinn a bhfuil clann orthu is mó a bhfuil gá acu le cúnamh airgid. Is ó Chistí Sóisialta na hEorpa tríd an bPlean Forbartha Náisiúnta is mó a thagann an ciste do na scéimeanna seo agus cuirtear leis ó fhíneálacha a ghearrtar ar mhic léinn agus ó shíntiúis.



*Is mac léinn ríomhaireachta tríú bliana í Olga Murdoch, as Baile an tSaoir i gContae Átha Cliath. A bhuíochas le Scéim Fóirdheontais Cúraim Leanai tá mac Olga, Jack, atá ceithre bliana d'aois, ag freastal ar crèche UCD. Faoin scéim seo tá airgead á fháil ag Olga i dtreo na gcostas cúraim leanai agus mar sin is féidir léi tabhairt faoina cuid staidéir ag UCD*

## CRÈCHE UCD

*Bunaíodh cuideachta nua gan beann ar bhrabús, Oakmount Crèche Ltd, i mí Feabhra 2006 chun naíolann Chnocán na Rós agus an naíolann nua atá beartaithe a rith. Tá baill foirne agus mic léinn a bhfuil clann orthu agus baill foirne eile de chuid UCD ina gcomhaltaí sa cuideachta. Tá athchóiriú agus athfheistiú déanta ar Naíolann Chnocán na Rós.*

## TACAÍOCHT DO MHC LÉINN, SÉIPLÍNEACHT AGUS COMHAIRLEOIRÍ MAC LÉINN

Seirbhísí do Mhic Léinn

Bíonn gá ag mic léinn le córas láidir cúl taca ar féidir leas a bhaint as go furasta chun cuidiú leo a gcuid spriocanna acadúla agus pearsanta a bhaint amach. Tá UCD dúthrachtach maidir le creat cúl taca dá leithéid a chur ar fáil trí réimse forleathan seirbhísí taca foirmeálta agus trí mheithil taca sainiúla maidir le cláir ar leith. Bíonn Comhairleoirí Mac Léinn agus séiplínigh mar a bheidís ina n-abhcóidí thar ceann an mhic léinn agus cuireann siad comhairle agus eolas ar fáil don mhac léinn maidir le ceisteanna sóisialta, pearsanta agus praiticiúla. Déanann siad fónamh freisin do na mic léinn agus don fhoireann maidir le seirbhísí taca do mhic léinn agus cuireann siad bearta atá dírithe ar na mic léinn chun cinn ar fud an choláiste.

## DUL CHUN CINN GO DTÍ SEO

**Treoir Meán Fómhair 2005**

Lean Treoir 2005 ar aghaidh ónar baineadh amach le tionscnamh na bliana 2003 chun clár imeachtaí iléagsúla, idir acadúil agus sóisialta, a chur ar fáil do mhic léinn nua ar champas UCD. Is gné thábhachtach den Chlár Treorach go n-earcaítear mic léinn níos sinsearaí mar Threoraithe. Comhairleoirí Mac Léinn a earcaíonn agus a chuireann oiliúint ar na Treoraithe seo a chuidíonn le mic léinn nua dul i gcleachtadh shaol an champais.

I rith na bliana 2005, bhí Comhairleoirí Mac Léinn forbheartach maidir le Laethanta Cláir (Laethanta Dáimhe mar a bhíodh ann), Seachtain na hIléagsúlachta Cultúir, Saorálaithe UCD thar Lear agus siúlóidí urraíochta. Bhí ról gníomhach acu ar choistí tábhachtacha de chuid UCD ar nós Coiste na Céad Bhliana, Feidhmeannas Leasa na Mac Léinn agus Coiste an Fhóirdheontais maidir le Cúram Linbh.



deichniúr mac léinn an turas go dtí an Nígir, ceann de na tíortha is boichte ar domhan, mar a ndearna siad múinteoireacht ar leanaí na háite chomh maith le hoibriú i gclinic de chuid Concern do leanaí míchothaithe in Tahoua.

Bronnadh seic €25,000 ar an togra i mbliana ó Tour de Force, grúpa Gardaí a rinne rothaíocht ar feadh 900km sa Fhrainc ar mhaithe leis an gcarthanacht. Cuideoidh an t-airgead le droichead a thógáil in Gros Morne, Háití, rud a bhfuil géarghá leis ag dream daoine atá ar an iargúil.

**Tionscadal Alone**

Is beart nua an tionscadal i gcomhar le Alone - eagraíocht shaorálach a chuidíonn le daoine aosacha atá i ngátar. D'oibrigh mic léinn de chuid UCD ar dhá thionscadal in mBaile Átha Cliath ag obair go deonach agus ag cur acmhainní ar fáil.

**Léachtaí & Seimineáir**

Chuir duine den fhoireann séiplíneachta ag Scoil Ghnó Iarchéime Smurfit seimineáir faoin Eitic sa Ghnó ar fáil. Ba i réimse an Rialachais Chorporáide agus maidir leis an Eitic sna Seirbhísí Airgeadais na seimineáir. Tugadh cuireadh do dhuine den mheitheal páipéar acadúil a thabhairt in Boston College chomh maith agus tháinig cuirí ó ollscoileanna eile thar lear chomh maith. Tugadh cúrsaí eile ar chlár Máistreachta sa tSíceolaíocht Chliniciúil.

**CUSPÓIRÍ AMACH ANSEO**

Tá i gceist cur lena baineadh amach le Treoir agus breis Treoraithe a bheith ann. Tá togra píolótach maidir le meantóireacht mac léinn dá chéile le cur i bhfeidhm i rith bhliain acadúil 2006.

Tá beartaithe níos mó Comhairleoirí Mac Léinn a earcú i rith na bliana 2006 de bharr a fheabhas agus a déirigh le beart an Mheithil Comhairle do na Mic Léinn.

*Oibríthe Deonacha ó UCD ar thionscadal ALONE do dhaoine scothaosta*

*Oibríthe Deonacha ó UCD le leanaí áitiúla in Háití*

**Tograí de chuid Shaorálaithe UCD Thar Lear**

Sa bhliain 2003 a sheol séiplíneacht UCD togra 'Shaorálaithe UCD thar Lear' (UCDVO). Féachtar le cuidiú leo siúd atá ag fulaingt agus ag maireachtáil go bocht dearóil. Is mór atá sé tagtha chun cinn ó bunaíodh ar dtús é.

D'oibrigh meitheal naoi mac léinn is fiche as UCD in Delhi i mbliana, ag múineadh leanaí a chodlaíonn amuigh, ag obair i dteach dílleachtaí, ag cur píosa le scoil a thóg meitheal eile de chuid UCDVO cheana agus ag cur fisiteiripe ar fáil do leanaí faoi mhíchumas i dTeach Dílleachtaí Mother Theresa. D'oibrigh scór go leith mac léinn ag tógáil ballaí chun maolú ar an dochar a dhéanann maidhmeanna talún in Gros Morne, ceantar iargúlta in Háití, chomh maith le Club Spóirt a rith d'os cionn 200 leanbh faoi mhíbhuntáiste, ag cur na n-acmhainní agus an bhia ar fad ar fáil do na leanaí. Rinne

## SPÓRT

## Saol an Mhic Léinn

Oibríonn an spórt in éineacht le príomhbheartaíocht na hollscoile chun cinntiú gur slán, iomlánaithe an t-oideachas a chuirtear ar fáil do na mic léinn ar fad. Tugann sé deis chomh maith do na hiarscoláirí an ceangal leis an ollscoil a chaomhnú. Tá de straitéis ghinearálta ag Spórt UCD cur le cáil na hollscoile maidir leis na háiseanna spóirt is fearr sa tír a bheith ann agus an deis a thabhairt dá bhfuil i UCD nósanna folláine a chothú don saol ar fad.

Cuirfear sin i gcrích trí chláir shainiúla ardaidhmeacha, lena mbaineann:

- áiseanna nua den chéadscóth a chur ar fáil, linn snámha ina measc
- Institiúid Spóirt agus Sláinte UCD a fhorbairt agus a thabhairt i gcrích
- leathnú a dhéanamh ar an Ionad Ardfheidhmíochta
- cláir in oideachas an spóirt a chur i bhfeidhm agus a leathnú
- Bunláthair an Spóirt a fhorbairt d'fhonn cloigin áiseanna spóirt a chruthú ar champas Belfield.

## DUL CHUN CINN GO DTÍ SEO

- Bhí toradh fóna ar an togra píolótach "Get in Gear" dírithe ar mhic léinn neamhghníomhacha go luath sa bhliain 2006. Tionscnamh i gcomhar idir Spórt UCD agus Scoil na Físiceirí agus na Gníomheolaíochta é "Get in Gear" a bhfuil de sprioc leis an tsláinte a chothú agus mic léinn a spreagadh chun aclaíochta trí thráthchlár gníomhartha éagsúla spraoi a leanacht a thiteann isteach lena dtráthchlár acadúil. Féachtar le cuidiú leo siúd a ghlacann páirt sa chlár nós maireachtála cothrom a chothú dóibh féin agus leas a bheith acu as an aclaíocht le linn a dtréimhse staidéir in UCD
- Fuair Spórt UCD deontas €1.25 milliún chun feabhas a chur ar Stáid Spóirt Belfield (Belfield Bowl) faoi Chlár Caipitil Spóirt 2006 an Rialtais. De bharr an togra, ar cuid é de Phean Forbartha Caipitil na hollscoile, aistroidh Club Sacair UCD ó Pháirc Belfield go dtí Stáid Spóirt Belfield (Belfield Bowl) mar a n-imríonn Club Rugbaí UCD cheana féin
- Bunaíodh Lárionad Foirfeachta sa Ghalfadóireacht a bhuíochas le cúnamh ó Scéim Sparántachtaí Fhondúireacht an R&A. Is é UCD an t-aon institiúid tríú leibhéal i bPoblacht na hÉireann atá páirteach sa scéim. Tagann dul chun cinn gach duine atá ar scoláireacht galfadóireachta faoi mhonatóireacht leanúnach Spórt UCD maidir lena gcuid galfadóireachta agus a gcuid oibre acadúla. Leagtar amach clár nirt agus aclaíthe sainchóirithe do gach mac léinn faoi leith agus déanann Lisa Regan, Stiúrthóir Ardfheidhmíochta UCD, maoirseacht mar gheall air. Cóitise an mhic léinn féin chomh maith le

John McHenry san K Club agus Neil Manchip in Carton House, a dhéanann maoirseacht ar theacht chun cinn gach galfadóra atá ar scoláireacht ag UCD, a chuireann an chóitseáil ar fáil. Bíonn teacht ag na galfadóirí freisin ar an siceolaí spóirt iomráiteach, an Dr Aidan Moran. Chomh maith le cead isteach a bheith ag na mic léinn scoláireachta ag an bhfeirann cleachtaidh agus chuig an gcúrsa in Elm Park, bíonn ballraíocht acu i gClubanna Gailf an Royal Dublin agus Phort Mearnóige

- Ceapadh an tOllamh Colin Boreham i mí Aibreáin 2006 i bpost an Stiúrthóra ar Institiúid Spóirt agus Sláinte UCD. Déanfar taighde san Institiúid ar thionchar an spóirt ar an tsláinte, ar an bhfeidhmíocht agus ar an modh maireachtála. Beidh sé ina acmhainn ag eagraíochtaí náisiúnta spóirt ina gcuid iarrachtaí cur leis an rannpháirteachas, cur le leibhéal na beartaíochta agus an spórt agus an aclaíocht a chur chun cinn i measc an phobail i gcoitinne
- d'aistrigh Aontas Rugbaí na hÉireann an tAonad Ardfheidhmíochta go Campas Belfield. Tá an t-aonad lonnaithe faoi láthair ar sheansuíomh Philips in aice leis an Institiúid Spóirt agus Sláinte
- osclaíodh an Café Sport nua, cuireadh stiúideo aeróbaice ar fáil chomh maith leis an seomra cruinnithe "Colours".



*Roisín Flinn a fuair dhá chúl i gcluiche ceannais Chorn Laighean*

## BUAICBHEARTA SPÓIRT

- bhí bliain iontach ag Club Haca na mBan a bhuaigh an Chilean Cup arís chomh maith le Corn Sinsir Laighean Jacqui Porter den chéad uair le os cionn leathchéad bliain. Fuair Lisa Jacob, duine de na himreoirí, caipín idirnáisiúnta ar fhoireann sinsir na hÉireann chomh maith
- bhí bua ag Club Sacair na bhFear sa Harding Cup, i Sraithchomórtais Faoi-21 an Dra Tony O'Neill agus i Sraithchomórtais Sinsir Laighean
- bhuaigh iománaithe UCD Craobh Sinsir Iománaíochta Bhaile Átha Cliath den dara bliain as a chéile agus lean ar aghaidh go raibh i gcluiche ceannais Craobh Club Laighean in aghaidh James Stephens a fuair an ceann is fearr orthu
- D'éirigh go maith le galfadóirí scoláireachta UCD i gcomórtais in Éirinn agus thar lear. Bhuaigh Dara Lernihán Craobh Oscailte Amaitéarach Ógánach Laighean. Bhuaigh Niall O'Connor Comórtais Gailf Idirnáisiúnta Mac Léinn Boyd Quaich ag Cumann Gailf an Royal and Ancient, St. Andrews (R & A). Is é Niall an chéad bhuaiteoir as Éirinn ó bhuaigh an galfadóir cáiliúil agus céimí de chuid UCD an Dr David Sheehan.
- ba mhaith an séasúr lúthchleasaíochta 2005/2006 ag mic léinn scoláireachta reatha agus ag mic léinn scoláireachta ón am a caitheadh. Chruthaigh Joanne Cuddihy, Derval O'Rourke agus Deirdre Ryan níos fearr ná a chruthaigh riamh cheana ag Craobhchomórtais Lúthchleasaíochta na hEorpa in Gothenburg i mí Lúnasa. Tháinig Joanne, mac léinn leighis sa cheathrú bliain san 8ú háit i rás ceannais an 400m tar éis curiarracht phearsanta de 51.09 soicind a bhaint amach sa rás leathcheannais. Ba é seo an chéad mhórchomórtais sinsir ag Joanne agus an chéad uair ón mbliain 1962 ar bhain lúthchleasaí mná as Éirinn an rás ceannais 400m amach ag Craobhchomórtais na hEorpa. Chruthaigh na hiarmhac léinn scoláireachta agus céimithe de chuid Scoil Smurfit Derval O'Rourke agus Deirdre Ryan thar na bearta chomh maith. Dheimhnigh Derval arís go bhfuil sí ar dhuine de na rábálaithe cliathráis is fearr ar domhan nuair a bhuaigh sí an bonn airgid sa rás 100m. Ba churiarracht nua ag Éireannach an t-am 12.72 soicind a bhí sí leis. Cháiligh Deirdre don bhabhta ceannais sa léim ard le léim ar chomhairde leis an gcuriarracht roimhe sin ag Éireannach (arb í féin a chaith í) de 1.92 m. Tháinig sí sa 13ú áit sa bhabhta ceannais nuair a chaith sí airde 1.84 méadar de léim

*Joanne Cuddihy a bhí i rás ceannais 400m an Chomórtais Eorpaigh Lúthchleasaíochta*


## CUSPÓIRÍ AMACH ANSEO

Tá dhá ghné ag baint leis straitéis chun breis forbartha a dhéanamh maidir leis an spórt in UCD. Ar an gcéad dul síos, áiseanna den scoth a fhorbairt ar an gcampas a chuirfidh leis na háiseanna atá ann cheana féin. Ar an dara rud, an coincheap maidir le 'campas folláin' a thabhairt i gcrích trí nósanna saoil folláine agus scileanna dá réir a chothú i measc na mac léinn agus na foirne mar mheon a bhaineann go dlúth leis an misean a leagtar ar Spórt UCD.

I rith na bliana 2005/2006, chuir na mic léinn acmhainní i leith chiste don síneadh as Lárionad na Mac Léinn ina mbeidh linn snámha 25m agus giomnásiam. Táthar i mbun na pleanála do thógáil an fhoirgnimh sin cheana féin in aice le Lárionad na Mac Léinn agus leis an Lárionad Spóirt.

Tá tús curtha le roinnt tionscnamh san Institiúid Spóirt agus Sláinte i gcomhar le hAonad Ardheidhmíochta Aontas Pheil Rugbaí na hÉireann agus le Scoil na Fisiteiripe agus na Gnómheolaíochta.

Tar éis a fheabhas agus a d'éirigh le togra píolótach "Get in Gear", ullmhaíodh clár níos cuimsithí. Tá súil sin a chur ar siúl trí huaire in aghaidh na bliana acadúla do na mic léinn agus don lucht foirne.





## CEOL

## Saol an Mhic Léinn

Tá réimse leathan cuallachtaí oirfidíochta ag UCD trína dtugtar deis don mhac léinn ceol ó aoiseanna éagsúla agus ar stíleanna éagsúla a thaithí. Tá fáilte roimh aon duine a bhfuil suim aige sa cheol sna córacha agus sna ceolfhoirne más mian leis roinnt ama a chaitheamh leis.

Bíonn Sionfóin UCD, Scoláirí Córach UCD, Cór an Choláiste, Cór Aireagail UCD agus an Cheolfhoireann Bharócach mar a bheadh ambasadóirí cultúir iontu thar ceann UCD ar an gcampas agus thar campas amach, arna chur in iúl nach amháin go bhfuil dintiúirí acadúla den scoth ag na mic léinn ach go bhfuil inniúlacht freisin iontu.

## DUL CHUN CINN GO DTÍ SEO

I rith na bliana 2005-6, chuir Sionfóin UCD dhá cheolchoirm den scoth ar siúl, an chéad cheann acu sa Halla Astra ar an gcampas agus - mar bheart caidrimh leis an bpobal taobh amuigh - an dara ceann acu sa Cheoláras Náisiúnta. Lean an Cheolfhoireann den nós atá cothaithe acu trí sheod eile nach mbíonn mórán airde air a chur i láthair le Coinséartóir Coirn Uimhir a 1 Richard Strauss (Ceoltóir Aonair: Fergus O'Carroll). Ba é Redmond O'Toole an ceoltóir aonair ag an gceolchoirm i mí Feabhra nuair a sheinn sé an Concierto de Aranjuez le Rodrigo ar a ghiotár Brahms. I measc bhuaicphointí eile an chlár ceoil bhí Siansa Uimhir a 5 le Beethoven, an tsraith ballet La création du monde le Milhaud agus an réamhcheol a d'ainmnigh Mendelssohn as Inse Gall.

I rith cheolchoirm na Sionfóine i mí Feabhra, bhronn Uachtarán UCD, an Dr Hugh Brady, na chéad Scoláireachtaí Bhanc na hÉireann ar chomhaltaí den cheolfhoireann. Tá geallta ag an mBanc treisiú leis an tSionfóin trí chiste a chur ar fáil do shé cinn de Scoláireachtaí go ceann trí bliana. Is bunaithe ar an tseinm ag éisteachtaí go luath sa bhliain acadúil a bhronnfar na Scoláireachtaí.

Ba ghnóthach an bhliain ag Scoláirí Córach UCD í. Bhí Liebeslieder Walzer Brahms ar chlár chéad cheolchoirm



Sionfóin UCD ag cleachtadh

na bliana acu sa Halla Astra agus bhí an-mholadh ar chanadh a thug siad ar an Requiem le Fauré taobh amuigh den champas in Eaglais Anna. Chan na Scoláirí ag imeachtaí mac léinn ar fud an champais, ag seirbhísí do phobal UCD i rith na bliana acadúla agus ag imeachtaí mórchúlú ar nós Dinnéar Lá an Bhunaithe. Ó tá luaite ag cuid mhaith iar-Scoláirí gur mhaith leo leanacht den bhaint atá acu leis an gcuallacht, tá i gceist, sna pleananna don am atá ag teacht, modh caidrimh le hAlumni a chur ar bun ionas go mbeadh bealach ann le coinneáil i dteagmháil le hiarchomhaltaí.

Chuir Cór Choláiste UCD dhá cheolchoirm den scoth ar siúl. Tugadh an chéad cheolchoirm ag am lóin i Lárionad na Mac Léinn faoi dhó ag deireadh an chéad seimeastair agus Joanna Campbell-Griffin ag stiúir clár roimh Nollaig dar teideal "Hamba Lulu" le ceol tráthúil as tíortha agus ilchríocha éagsúla. Tugadh ceolchoirm eile i Séipéal an Champais i mí Márta mar chuid de cheiliúradh UCD ar 250 bliain ó bhreith Wolfgang Amadeus Mozart sa bhliain 1756. Bhí ceol orgáin agus cheathairéad téada sa cheolchoirm sin chomh maith le Cór an Choláiste (agus go leor de na comhaltaí ag déanamh canadh aonair).

## CUSPÓIRÍ AMACH ANSEO

Sa bhliain 2006-7, ceadófar den chéad uair do mhic léinn canadh nó seinm i gcóranna agus i gceolfhoirne UCD d'fhonn pointí creidmheasa. Tairgeoфар mar mhodúil roghnacha taobh istigh de chlár Horizons UCD Sionfóin UCD, Scoláirí Córach UCD, Cór Aireagail UCD agus an Cheolfhoireann Bharócach. Sa chás go n-éiríonn leis sa chéad éisteacht, beidh ar chumas an mhic léinn an caitheamh aimsire atá aige a bheith mar chuid den chúrsa staidéir agus foghlaim ó na ceoltóirí oile a mbítear ag obair leo. Tabharfar grád bunaithe ar fheabhas an mhic léinn i mbun an cheoil nó an chanta agus ar an tinreamh. Tá súil go mbeidh an deis nua seo ina spreagadh breise ag daoine chun páirt a ghlacadh i gcuallachtaí oirfidíochta UCD agus iad faoi bhláth agus ag nascadh ceangail idir saol cultúir an champais agus an saol mór taobh amuigh.

Scoláirí Córach UCD



## CUMAINN NA MAC LÉINN

Saol an Mhic Léinn

Luaitear go sonrach i bPlean Straitéise UCD an tábhacht atá le cumainn na mac léinn agus lena gcuid beartaíochta san fhorbairt ar imeachtaí oideachasúla, cultúir agus sóisialta do mhic léinn atá taobh amuigh den churaclam ach bunaithe ar an dea-chaighdeán. Tugtar deis shuntasach don fhorbairt phearsanta sna cumainn, go háirithe maidir le scileanna eagraíochta, tuisceana, idirchaidrimh agus bhainistiú ama.

*Bhí Mary Dobbs ar dhuine d'eagraithe an Word Universities Debating Championships, agus an-chuid bainte amach aici chomh maith ina díograis i leith na Scoile Dlí. Bhí sí ina ball stalwart de Dhlí-Chumann na hÉireann agus ina ball gníomhach den Ionad Saorchúnaimh Dlí. Bhain Mary céim amach sa Dlí agus sa Fhraincis in 2006 agus tá sí anois i mbun PhD.*

## DUL CHUN CINN GO DTÍ SEO

Tá os cionn 100 cumann mac léinn cláraithe in UCD anois agus líon carnach baill de 35,000 iontu. Tá ardú ag teacht i gcónaí ar líon na ndaoine a bhíonn páirteach sna cumainn agus tá níos mó ná 4,000 ball sna cumainn is mó sa Choláiste (an Commerce and Economics Society agus an Law Society).

Tá ardú ag teacht freisin ar líon na n-imeachtaí iomráiteacha agus ardfhreastail ag na cumainn ar an gcampas. Bunaíodh an Cumann Erasmus, a bhfuil ceangal aige le Gréasán Mhic Léinn Erasmus go hidirnáisiúnta, agus Cumann na Mac Léinn Síneach i mblíana. Tá na chéad bhearta á ndéanamh i rith na bliana 2006 chomh maith maidir le "Gréasán Teilifíse Campais" a bunaíodh mar chumann.

Tá beartaithe ag cumainn na mac léinn freisin ról níos tábhachtaí a bheith acu i mbearta eile de chuid na hOllscoile agus bíonn páirt ghníomhach acu anois i Laethanta Oscailte UCD d'fhonn réimse agus iléagsúlacht na n-imeachtaí a chur ar a súile d'ábhar mac léinn.

Tugann cumainn na mac léinn i gcónaí deis ar leith do mhic léinn bualadh le pearsain mór le rá go hidirnáisiúnta agus cluas a thabhairt dóibh. I measc na gcuartheoirí ar an gcampas, bhí an taidhleoir Hans Blix, an fear léinn Noam Chomsky, na haisteoirí Nancy Cartwright, Dirk Benedict agus John C. McGinley agus i measc lucht spóirt, David O'Leary agus Eddie O'Sullivan.



## Buaicphointí

I mí na Nollag 2005/Eanáir 2006 d'eagraigh an Literary and Historical Society an ócáid bhliantúil neamhspóirt is mó ar domhan do mhic léinn, an World Universities Debating Championships. Rinne níos mó ná 300 foireann, as 40 tír agus 70 institiúid díospóireacht ar ábhair a bhfuil tábhacht náisiúnta agus idirnáisiúnta leo. Dúirt Cathaoirleach an World Debating Council go raibh sé ar an ócáid ab fhearr eagair agus ab éifeachtaí a reachtáladh riamh.

Rinne na Cumainn an cheannródaíocht chomh maith maidir leis an bhfeachtas i bhfabhar tobhach a ghearradh ar mhic léinn d'fhonn íoc as Lárionad nua do na mic léinn. Beidh an foirgneamh nua ina lárphointe i saol an mhic léinn agus beidh áiseanna nua-aimseartha den scoth ann maidir le díospóireacht, amharclannaíocht, scannánaíocht, damhsa agus spórt.

## CUSPÓIRÍ AMACH ANSEO

Seoladh suíomh gréasáin nua, [www.ucdevents.com](http://www.ucdevents.com), i rith na bliana 2006. Leis an méadú as cuimse atá tagtha ar bheartaíocht na mac léinn ar an gcampas, is deacra ná riamh anois dóthain cur in iúl a dhéanamh mar gheall ar imeachtaí le lucht an champais. Beidh an suíomh gréasáin nua ina acmhainn chuige sin agus féilire imeachtaí beo air chomh maith le leathanaigh mac léinn agus rannóg do reachtairí arna chosaint le pasfhocail.

Cuirfear rialacháin nua i bhfeidhm maidir le póstaer agus bolscaireacht ar an gcampas ionas gur fearr is féidir fógraíocht a dhéanamh ar a imeachtaí.

*Ionad na Mac Léinn UCD*

